

咒魅经 1 卷

No. 2882

佛说咒魅经

尔时佛在舍卫国妙龙□□□□□□切众生作罪不可论尽□□□□□□道令得开悟。吾今为汝说过去未来之见。往昔空王佛时。给孤独园中有一老狐。穴前烧其脂火。夜半日月五星下造作魅蛊。上牵天神下牵五帝。复牵山神复牵河伯将军。复牵五道大神。呼取百鬼造作魅蛊。或作蒲人。或作人形像。或作符书厌禱呪诅。或取人姓字。或取棘针。或果黄土。或向日月独语不自觉知。或取人家衣裳。或取人衣带。或取五彩縵缕。或取人家甌带。或取人家瓮[土\*瓦]瓦器。或取人家驴马牛羊猪狗毛。或取人家五行作具。或取人家门楔。或取人家匙箸作魅蛊。或奇麻邹马。或刺人身。或刺人心胎。或计人手脚。或针人眼孔。或针人腰背。或取人头毛。或取黄土。或取五彩帛。或取人上下衣带。或魅蛊人田苗。或捉群抄举向壁独语。或作狩形像。或作人头形像。或作魅等符书厌禱呪咀。或令作人形言说不以道理。或魅蛊人家牛马羊犬鸡猪狗。或作生人口舌。或作马形。或作鬼神形。或作牛羊猪狗形。造魅之人。生死无道。强杀良善。若教他作。千殃万罪。造者自当三梁六柱。还着本主。万罪殃还自灭亡。急去三千六百一十里。止不得久停。今请东方青帝神王来食魅人腹。今请西方白帝神王来食魅人头。今请南方赤帝神王来食魅人眼。今请北方黑帝神王来食魅人脚。今请中央皇帝神王来食魅人手。尔时众中有一菩萨。名为大力。整衣为佛作礼白佛言。世尊弟子不解罪福。见世间众生。多有五逆不信首道。共相鱼肉有常恶念。不知生天堂受乐。不知有地狱忧苦。共相煎煮魅蛊良善。唯愿世尊。乃为弟子分别解说。令得道迹度脱一切尔时佛告大力菩萨。汝今未解。吾为汝等分别解说。汝今谛听。吾遣四天王等令下世间。疗治百恶不得停止。急去千里可得免脱。呪曰。魅公字盘永都魅母字盘石奴。今知汝姓字知汝姓名。若作魅蛊者返受其殃。汝教他作身自灭亡。吾今请四天神王来录魅人名字。吾今呪魅人头破作七分如阿梨树枝。今当知汝姓名急去他方不得停止。今当请南无佛陀来呪魅人头破作七分如阿梨树枝。今当请四天龙王来呪魅人头破作七分如阿

梨树枝。今当请阿傍来呪魅人头破作七分如阿梨树枝。不得停止。佛有如是大神呪。此魅人头破作七分如阿梨树枝。今当请普贤菩萨来呪魅人头破作七分如阿梨树枝。今当请大智菩萨来呪魅人头破作七分如阿梨树枝。今当请更明菩萨来呪魅人头破作七分如阿梨树枝。今当请月光菩萨来呪魅人头破作七分如阿梨树枝。今当请蒙光菩萨来呪魅人头破作七分如阿梨树枝。今当请火光菩萨来呪魅人头破作七分如阿梨树枝。今当请华光菩萨来呪魅人头破作七分如阿梨树枝。今当请月明菩萨来呪魅人头破作七分如阿梨树枝。今当请文光菩萨来呪魅人头破作七分如阿梨树枝。今当请龙光菩萨来呪魅人头破作七分如阿梨树枝。今当请明星菩萨来呪魅人头破作七分如阿梨树枝。今当请千阳菩萨来呪魅人头破作七分如阿梨树枝。今当请普明菩萨来呪魅人头破作七分如阿梨树枝。今当请大明菩萨来呪魅人头破作七分如阿梨树枝。今当请同光菩萨来呪魅人头破作七分如阿梨树枝。今当请日中菩萨来呪魅人头破作七分如阿梨树枝。今当请建立菩萨来呪魅人头破作七分如阿梨树枝。今当请树王菩萨来呪魅人头破作七分如阿梨树枝。今当请龙天菩萨来呪魅人头破作七分如阿梨树枝。今当请地动菩萨来呪魅人头破作七分如阿梨树枝。今当请东方青帝神王来呪魅人不得停止。今当请南方赤帝神王来呪魅人不得停止。今当请西方白帝神王来呪魅人不得停止。今当请北方黑帝神王来呪魅人不得停止。今当呼日月五星二十八宿来摄魅人不得停止。急去千里。东方大狩来食魅人身。南方蜈蚣来食魅人眼西方白象来食魅人头。北方黑象来啄魅人心藏。中央黄帝神龙王来食魅人神。吾见魅人眼目角张。或作猖狂不似人形。或在人门前。或在屋里。或在碓磨上。或在人田地间跳良不止。或正月岁日。或正月十五日。或时节日。或烧其脂火呪说不止。吾知汝姓名不得停止急去他方。若坐灭亡若立消灭。头破作七分如阿梨树枝。若生赤口赤舌菩萨呪令消灭急去不得久留。尔时世尊言。我今告十方众生等。吾今为汝一切众生善男子善女人说此呪魅经。时有十方诸佛过去七佛。十六王子佛。天上诸菩萨天人罗汉。四天大王天龙八部。诸善神四道果人。一会在须弥山头龙华树下。平量众生云何可度。若有比丘比丘尼优婆塞优婆夷男子女人。有能烧香礼佛受持此经供养不绝令人得福。若有忧苦之人能生善念皆得天堂之乐。若有人转此经时。先清洁身行道烧香受持可得度脱。若能诵此经七遍。呪魅头破作七分如阿梨树枝。一切众苦皆悉解脱。尔时一会一切众生。闻经欢仰为佛作礼持念奉行。

## 呪魅经

【经文信息】大正藏第 85 册 No. 2882 咒魅经

【版本记录】CBETA 电子佛典 Rev. 1.9 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 蔡宁君大德输入, 北美某大德提供

【其他事项】本数据库可自由免费流通, 详细内容请参阅【中华电子佛典协会数据库版权宣告】

---